

З ЛІТЕРАТУРНОЇ СПАДЩИНИ

Дмитро Туптало

«РУНО ОРОШЕННОЕ»

*(Підготовка тексту, передмова та коментарі О.Тарасенка)**

РОСА ВЛАГОДЬЯНІЯ.

Благодьянїя богатство всѣм источи,
вся бо можеши, яко силнаго в крѣпости Христа рождшая (Параклис).

Чудо 17.

Павла Домантовича, обывателя Чернѣговского, на одрѣ болѣзни лежаща, ели жива, привезено в Монастир Илинскїй, первой седмици Великаго поста, з пятници на субботу. Идеже егда о нем бысть прилѣжная от Иноков тамошних к Богу и Богородици молитва, скоро оздравѣ. Се благодарїя Богородичино, цѣлити недуги, молитвами яже к Сыну своему и Богу нашему о нас творит. /

ВЕСЬДА.

Кто когда под небесем обращет Благодателя по Бозѣ лучшаго паче Владычици нашея? Благаго Царя благая Мати не престаает благодарѣ роду человеческому. И не всеу Церков источником ю приснотекущим проименова, яко же бо источник непрестанно, не точїю тогда, егда приходят почерпати, но и никому же почерплющу источает воды. Тако и Дѣва чистая, неоскудно благодарѣтствует всѣм, добрым и злым, праведным и грѣшным, прибегающим к ней и отвращающимся от нея, яко Іакову жидовину, о нем же Небо новое^а: Сего в разбойники впадша, уязвенна и связанна, Дѣва Богородица явившися, отрѣши и исцѣли, аще и не притѣкал к ней, поче же и отвращашеся от нея.

Помяну zde древняго Іакова, сей в пути спя, видит во снѣ лѣствицу от земля къ небиси, по ней же Ангели Божїи восходяху и низходяху [Быт. 28]. Почто Ангели они ни едино время имут покой, непрестанно восходят и низходят? Лѣствица она бяше образ Богородичин, сїце // воспѣвается: Радуйся мосте к небесем преводяй, и лѣствице высокая, юже Іаков видѣ. И того ради не имут покоя на ней Ангели, яко Богородица вели тим непрестающе со собою благодарѣтствовати нам: да восходяще приносят к Богу молитвы наша, низходяще же да несут нам от Бога Божїю милость и дарованїя. Ісаїя, пророчествуя о Дѣвѣ Богородици, облаком ю нарече: Се Господь съдит на облацѣ легцѣ [Ісаїя 19]. И почто сїце ю именована; внїмай винѣ: никогда же обрящещи время, внеже бы не узрѣл еси облака на воздухѣ, аще днїю, аще ношїю. Очи твоя те бѣ въ свѣдѣтельство представляю, яже ти покажут всегда

* Продовження. Початок у №№ 1, 2 за 2009 р.

обрѣтающійся горѣ облакъ, и не все, ибо или дождевыя воды в себѣ носит, или о горячости луч солнечных осѣняет и прохладждает, или еще будет светел, точію воздух, украшает и увеселяет зрѣніе. Се тайна почто облаком Благодѣтелку нашу Пророкъ нарече, неперестает бо от благодѣянія ни малое время, всегда или дождь благодати Божія нам носит, исцеляя страсти, и врачуя болезни душ и тѣлес наших, // или о горячности праведнаго гнѣва на ны движимаго осѣняет ны, и прохладждает своим заступленіем, или украшая мысль нашу, духовнѣ увеселяет сердца. И кто твоя благодѣянія изчисти может, о, Всемилостивая.

НРАВОУЧЕНІЕ.

Благодѣяніе всякое требует благодаренія. И нам пріемшим неизреченная от Божія Матере благодѣянія, достоин не неблагодарным быти. Благодарни бывайте, рече Апостол: Кто бо чесога не благодарен, сего и недостойн *[К Колос. Глав. 3]*. Но что принесем, или что воздамы Дѣвѣ Богородици о всѣх, яже сотвори нам благая? Злато ли, или сребро, или каменіе честное? То она Госпожа наша сих Благих наших не требует, все бо на земли честно, недостойно есть ея. Убо самѣх себе ей отдадѣм и доволна будет, нас бо, а не яже суть наша, требует, глаголя с Богом в писаніи къ коемуждо нас: Сыне, дажд ми твое сердце *[Притч. 23]*. Како же себе ей отдамы? Не инако, но очистившеся от всякія скверны плоти и духа. Ниже бо земніи Господіе сквернав // дар приемлют, то колми Госпожѣ Пренебеснѣй чист дар подобает, а нечист како будет приятен ей Пречистѣй сушей? Тѣм же да пріятнѣ Владичици нашей будем, очистившеся от скверн наших, воздадѣм ей душу и тѣло, ум и сердце, во еже служити о нѣй в преподобіи и правдѣ, во вся дни живота нашего.

ПРИЛОГ.

Нечист хваляше чисту, но та непріяла.

От устен бо нечистых некрасна похвала.

Нѣкто зѣло грѣшен и нечистѣ живой, не престаеше Владычицу нашу поздравляти Ангельским цѣлованіем: Радуйся обрадованная, Господь с тобою. Сему случися нѣкогда в глубоцѣй пустинѣ заблудити, идеже толико от глада изнеможе, яко отчаятися живота своего. Яви же ся ему Пресвятая Дѣва со множеством девиц прекрасных, не суши сладкія снѣди на блюдах сквернавых, и рече ему: яжд. Он же отвержеся глаголя: Аще и добрыя суть снѣди, но презѣлныя ради скверны блюдов не могу яести. Тогда рече ему Дѣва, тако ни яз могу пріяти по//хвалы, яже ми возсылаеши, аще бо и добри суть, но от скверных устен и сердца нечиста исходятъ, сего ради не пріятны ми суть. Иди убо очистиися от нечистоты твоя, и тогда отверзеши уста твоя на похвалу мою, и насытишиися небесныя пища. Сія рекши невидима бысть. Он же обрѣтесе близъ дому своего, и оттолѣ исправил есть себе покаяніем.

РОСА МИЛОСТИВНАГО ПРИЗРѢНІЯ.

Не бранѣте дѣтем приходити къ мнѣ (Лук. Гл. 18).

Чудо 18.

Костантія обывателя Чернѣговскаго сын, именем Феодор, в лѣтах пяти, тяжкою фиброю обят бысть не малое время *[Року 1676]*. Сего (егда различнии врачеванія ничтоже успѣша, немощ же болѣе умножившися уморити его хотяше) скорбныи родители поручиша добрѣй Врачеб//ници Пречистой Дѣвѣ, юже въ время Акафиста пред чудотворною ея Иконою, съ слезами моляху о исцѣленіи сына своего, еже и получиша, въ скорѣ бо чадо их первое пріять здравіе *[В Пятдцятници]*.

БЕСЪДА.

Блюдѣте, да не презрите единаго от малых сих, рече Господь. Не презрѣ Мати Господня малаго сего Феодора, но подаде ему скорое здравіе, кого бо та, Милостивная присѣтителка, презирает? Никого же, но на всѣх

благосердым своим Оком призирает. Призирает она на старья. Жезл старости Мати Бога Вышняго [*Параклис*]. Призирает на младья: Радуйся, добрая младопитателнице дѣвам. Призирает на Праведныя. Радуйся, всѣх Праведных Божественное удобреніе [*Акафист*]. Призирает на грѣшныя, грѣшных молитвы пріемлющи. На весь мір призирает: Радуйся, всего мира очищеніе. Не всеу солнечную взя на ся одежду, яко же бо солнце // сіяет на благія и злыя. Тако Пресвятая Дѣва, облеченная в солнце, не точію добрых, но и злых имать на пилном своем оку [*Апок. Гл. 12*]. Ищущу Ироду убити Рожденнаго въ Вифлеемѣ Царя, Мати съ отрочатем бѣжит ва Египет [*Матф. Гл. 2*], по что? Не можаше ли укрытися от Ирода покрываяй и храняй вселенную? Можаше. Но да Дѣва Богородица призрит на злыя Египтяны, и призрѣніем своим исправит я, и добры сотворит, сокрушивши их идолы, того ради емлется египетска пути. Нынѣ о Мати Царя Небеснаго:

Вѣм по что с Сыном си в Египет градеси,
Да вся Египетская идолы сотреси.
Египтом ми есть сердце, а идолы страсти,
Зде призрѣвши повели идолом низпасти.

Солнце на висотѣ сіяя, и глубочайшія низины свѣтом своим просвѣщает, отколь глаголет Давид: несть иже укрыется теплоты его. Дѣва Марія аще и превышше всѣх небес предстоит одесную Бога, обаче и внижайших удолах сущих зрит, и о тѣх промышляет, и нѣсть иже не тоя живет промышленіем и молитвами. Тако к ней Августин блаженный вѣщает: Ты едина еси, иже в небесех // попеченіе о нас имаши, и спасеніе нам строя от бѣд избавляеши [*Вѣнец, 10*]. О, Всеблагая, не презри и мене грѣшнаго, но призри на мя и помилуй мя.

ПРАВОУЧЕНІЕ.

Аще хоцем да Мати Божія с Сыном своим и Богом, никогда не отвратит от нас свѣтлых и милосердных очес своих: будѣм всегда малыми дѣтми, не умом же, но злобою, си есть незлобиви будѣм, а незлобиви прилѣпляются Господови. Незлобіе же раждается от смиренія, смирит ли себе кто по истинѣ, сей до конца незлобив. Кая тако добродѣтель, яко смиреніе привлчит на ся милостивныи Господнѣ очи, на кого призру, глаголет Господь, токмо на смиреннаго. И сама Владычица наша сею добродѣтелію, очеса вышняго на ся обрати. Призрѣ, рече, на смиреніе рабы своя [*Пѣснь Богородице*]. Сею добродѣтелію и мы сотворѣмся малы, да угодни будем очесем Божиим. Вѣ дати же требѣ яко три суть съвершеннаго смиренія степени. Первый: Покарятися ста//рѣ йшинѣ, не привозносити же ся над равных. Вторій степень: Покарятися равным, не превозноситися над меньших. Третій степень покарати и меньшим себѣ, и вмѣнятися ничто же быти, яко единому от скот, недостойну со пребываша человѣческаго. А иже себе тако умалит, сей велій пред очима Господа своего будет, и узрит славу его, тако глаголет Исаак пресвитер: Нивчтоже вмѣни себе самага, и узриши в тебѣ самом славу Божию, идеже бо раждается смиреніе, тамо слава Божія всѣяет [*Исак отвержен. мира, глава 13*].

ПРИЛОГ.

Паче инѣх добрых дѣл, спасет чловѣка
смиреніе, еже бѣс нелюбит от вѣка.

Отцу Макарію явися иногда бѣс, и рече ему: много бѣди от тебѣ терплю Макаріе, и не могу тя одолѣти. Се бо все еже ты твориши, творю и аз: постишся ты, не ям и аз накогдаже. Бодрствуеши ты, ниже яз когда сплю. Ты чист, ни аз свѣм смѣшенія женска. Отверглся еси имѣній, аз // ничтоже имам в мірѣ, ниже ищю богатств. Едино есть в тебѣ, имже мя побѣждаеши. Вопросы же его Макарій: и что есть сичево? Отвеща бѣс: смиреніе твое, его же яз имѣти не могу, то мя побеждает, и того ради ничто же ти могу сотворити.

РОСА МАТЕРСТВА СИРОТАМ.

Та Мати всѣм живущим (Бытя 3).

Чудо 19.

От града Седнева ^б, суша близ Чернѣгова, Кирило Давыдович жилец тамошній, прислал к Пресвятѣй Богородици в Монастир Їлинскій сиротку родом з Полтавы, именованною Татіану. Сію мучаше дух нечистый, равнѣ оному о нем же пишется в Евангеліи: идеже аще имет его разбивает, и пѣны тѣшит, и скрежешет зубы своими, и оцепенѣвает. Сію Та//тіану яко ведоша в Церков, абіе сотрясе ю дух, и падши на землѣ валяшеся пѣны тѣща, и много пружався изыйде из нея.

БЕСЬДА.

Прійдѣте семо всѣ сироты, иже не имате отца, ни матерее, ни друзей, zde соберѣтеся. Се вам Мати Пречистая и Благословенная Дѣва, много лучша паче родившая вы. Рече иногда создатель: аще и Мати забудет чадо свое аз тя не забуду [*Исаія, гл. 49*], о коль велико благоутробіе Божіе! Но и Пречистая Дѣва такожде может реши, уподобися бо въ благоутробіе благому Богу. Смотри како ону вышереченную сироту Татіану Матерски помилова, лютаго мучителя от нея отгна, и здравіе ей подаде. И кто безнадежен есть благоутробіа ея, видя ю толико милостивую и чадолюбивую? Слышасте ли Неясить растерзающу утробу свою чад ради?[Пелькан] Се видѣте в голубицѣ Райстѣй в Пресвятой Богородици, пощадѣнна ли есть утроба // ея возлюбленная, глаголю Сын сладчайшій? Не растерзан ли есть лють страстми? Расхишаху его вси мимо ходящїи путем [*Псал. 28*]. Се нас ради быст Сын Девическ уморен, да мы от смерти избавимся. И кто здѣ ту Дѣвицу не наречет Матерію себѣ, видя единароднаго Сына ея растерзанна, да мы усыновлеше получим? Даст нам образ чады Божїими быти. Нѣсть ли кто чел орла зѣлнѣ прилѣжаща чадом своим?[*Іоан, гл. 3*] Орел покры гнѣздо свое и на птенца своя вождель [*2 Закона, глава 38*]. Но Матери нашей Преблагословеннѣй даны быша двѣ крилѣ Орла великаго, то уповаем, яко она покрывает ны Кровом крилу своею [*Апокалип. Глава 2*]. Извѣщаваемся о покровителствѣ ея от Андрея святого юродиваго, сей видѣ ю въ Влахернстѣй Церкви люди покрывающую, тако имать о чадѣх своих прилѣжное попеченіе. Не забуди убо имене аще и неключимаго, о Мати всепѣтая.

НРАВОУЧЕНІЕ.

Добра нам есть Мати Пресвятая Богородица, требѣ убо да и мы незлы сынове ея будем, // не невѣмы какова человѣка Господь Матери своей Преблагословеннѣй, под Крестом усыновляет на Голгофѣ: Видѣв Ісус Матер и Ученика стояща, его же любяше, глаголя Матери своей: Жено, се сын твой. Потом же глаголя Ученику: се Мати твоя [*Іоан, 19*]. Дѣвственника Дѣвѣ, Чистаго Пречистѣй, Любимаго Ученика любимой Родителници дает за сына. Трое zde хотяя Сын Богородичїн быти да внемлет: чистоту, ученичество и стояніе под Крестом. Нибо инако достоин кто нарещися Сын ея, аще не потщится быти чист, аще не будет Христов Ученик, аще не станет под Крестом. Убо да будем любими, либо и недостойнїи, сынове Матере нашея Премилосерднѣя, попецѣ мся о грѣсех наших, по силѣ нашей очистити я, отложше всяку скверну цѣломудринѣ поживѣм. К сему Ученици Господни сотворѣмся, послушающе и храняще Заповѣди Господня: Не слышатели бо, но творци закона оправдятся [*К Рим. Гл. 2*]. Станѣм же и под Крестом, ибо не индѣ Богослов святой сподобися Марїи вѣусыновленѣ быти. Под Крестом же стояти како? Всегда имѣти пред умными // очима своими Распятаго Господа: Несудих, рече, ино что видѣти во вас, точїи Господа нашего Ісуса Христа, и Сего распята [*Корин, гл. 2*]. Сораспинати же ся Господу своему состраданїем и умершвленїем своих похотїи, и (к ним же обыкохом)

грѣховныхъ страстей, симъ бо запечатлѣемъ сыновство наше, и възлюбитъ ны Благая всего мѣра Мати, аще умремъ грѣху и оживемъ Богови, аще духовнѣ мученичество понесемъ, аще изволеніемъ сотворимся мученики. Нѣстъ бо Сынъ Маріинъ, иже не мученикъ. Естественнѣй ея Сынъ Ісусъ Христосъ умрѣтъ за ны. Приобшннѣй ея сынъ Іоанъ умрѣтъ за Христа. То и мы сынове ли ея есмь; самоволнѣ постраждѣмъ и умрѣмъ за Сына Божіа аще и безъ крове. Самоволное же Христа ради безъ крове мученичество, сиче описуется:

Идолъ есть грѣхъ.

Идолское капище есть грѣхолюбное сердце.

Идолопоклонникъ есть грѣховнымъ страстемъ работаяй.

Идолопоклоніе есть страстолюбіе.

Мученичскій подвигъ есть съпротивлеше грѣху.

Мучительъ есть злѣй обычай грѣховнѣй, или налогъ къ грѣху.

Слуги мучителейъ суть помыслы сквернѣи къ грѣху влекущїи. //

Многоразличное мученіе есть ми борба со помыслами скверными.

Отверженіе Христа есть съизволеніе на грѣхъ.

Пожертвѣ Идолу есть замышленнаго грѣха дѣломъ исполненіе.

Симъ любве ради Христови съпротивляяйся есть безъ крове мученикъ, и добрѣй подвижникъ. Сичеваго мученика, о коль Пречистая Мати любитъ и в Сына мѣсто его имать.

ПРИЛОГ.

Мученика изволна аще и безъ крови,

Якъ Сына Дѣва прїять во вѣчнїа крови.

Въ Бобонїи, нѣкая Дѣвица в затворѣ суши, служаше Богу. Единою ноши, узрѣвши свѣтъ скважнею входящъ в келїю ея, ужасеся мня яко уже день, и скорбаше, яко ношнѣхъ по обычаю несоверши молитв. Отверзши же оконце, еже бѣаше къ Церковной оградѣ, зрѣтъ Пресвятую Богородицу, яко солнце сіяюще, стоящу при гробѣ нѣкоего юноши вчера погребеннаго. На гробѣ же сидѣше голубица бѣла паче снѣга, сїю Пречистая простерши руцѣ прїятъ, и в нѣдра своя вложи. Еже видѣ девица она, аще и страхомъ велѣимъ // обята бысть, обаче дерзну вопрошити, глаголя: И кто еси ты Госпоже моя? Она же рече: Есмь Мати Христова, прїйдохъ же зде пояти душу сего юноши, иже изволеніемъ бѣаше Мученикъ. Сїя рекши, отийде от очїю ея. Видители, кто синовства Марїина достоин? Подражайте убо таковаго.

РОСА НАДЕЖДЫ НЕНАДЕЖДНЫМ.

Надежде ненадежднымъ, Помощнице немощнымъ,

и Ходотайце всѣмъ грѣшнымъ: ты мя покрый

и заступи отъ всѣхъ бѣдъ и нуждъ душевныхъ

и тѣлесныхъ (в Поклоненїи).

Чудо 20.

Есть градъ впрѣдѣль Чернѣговскомъ, рекомый Сосница^в. Зъ того града прїйде в Монастирь Ілинскїй нѣкая жена, именованная Агафїя, и принесе на образъ Пресвятой Богородици монисто Коралѣвое сседма Крестиками сребраными [Року 1676. Августа 26]. И таблички двѣ сребрныя, и то о себѣ под совѣстїю исповѣда: азъ, // рече, двенадцать недѣлъ боляхъ, в коей бользни сотворися вредъ великїй и не исцѣлнѣй на шїи моеи, отъ него же несласанную терпѣ бользнь. И уже отчаяхся живота моего, такожде и сущїи при мнѣ ненадѣяшася живу мя зрѣти. Тако чающей мнѣ часа смертнаго, се нѣцїи отъ сосѣдъ посещающихъ и прѣсїдѣющихъ ми, иже бываху зде на поклоненїи, и о чудесехъ бывающихъ слышаху, рѣша мнѣ: обѣщайся помолитися Чудотворному образу Пресвятой Богородици, иже в Чернѣговѣ у Ілїи святого, и вѣруй, яко здрава будеши. Сїя азъ слышаши, аще и не устнами, уже бо немногихъ языкомъ что провѣщати, обаче умомъ при//зивахъ усердно

Пресвятую Дѣву в помощь, творящи обѣтати пѣшю поклонитися святому образу, о нем же слышу. И не умедли скорая Помощница, но скоро услыша и помилова, в то бо время пріях ослабу от болезни, и вскорѣ оздравѣх добрѣ, и се обѣщаніе мое исполняю.

БЕСѢДА.

Кто тѣлом точію, яз же и душею болей, давно бых от чаял обоего здравія, аще не бы ты имѣла надежду, Богородице, яже всѣх уповающих на ты не посрамляеши. Мнози въ мнозѣх надежды своя полагают: немощніи въ врачех, здравіи в крѣпостех сылы своя, богатии въ сокровишах своих, рабы въ Господіях своих, Господіи въ благополучіи своем. Но, о человекѣ, сѣмо со мною обратѣте вся своя надежды [Лук. Гл. 4]. Врачеве да цѣлятся сами, здравіи да зрят крѣпость свою // въ гробѣх, богатіи да плачутся о лютых скорбех грядущих на них, рабы да вѣдят Господій своих благодать на пестрѣм конѣ яздящую, Господіи да зрят яко скоровратным их благополучіе бѣжит колом [Лакон, глав. 5]. Вы же zde в непостыднѣй заступници положѣте надежду, и всего еже требуете нелишится. Недузїи требуете ли здравія; надѣйтесь на Дѣву Богородицу, та из нездравія въ здравіе претворяет. Здравіи требуете ли крѣпости и силы; обрящете то въ Рождшой Господа крѣпкаго и силнаго, Господа силнаго во бранех. Богатств ли вам требѣ; и гдѣ лучше обогатитесь, яко при той, яже носит на руку свою имущаго в шуици своей богатство и славу. Рабы и господіе надѣйтесь на Госпожу, рекшую о себѣ: Се Раба Господня, та вы научит работати Господови, Господствовати же над страстями [Лук. Гл. 1]. И всяк ненадеждный, паче же отчаявшійся спасенія своего грѣшникѣ, возложи надежду на сію, яже есть едино грѣшником прибѣжище, ненадеждным надежда, побеждаемым помощь, готовое заступленіе к ней прибегающим. На ту надѣю//щеся не погибнеша, кто бо надежду возложивый на ню погibe? О, Добрая надеждо моя, упованіе мое от сосцу матере моя [Псал. 21], к тебѣ привержен есм от ложесн, от чрева матере моя ты еси моя Покровителка, не остави мене и не отступи от мене.

ПРАВОУЧЕНІЕ.

Внемаем любимици винѣ, ея же ради реченная Анна прійде от града своего, помолитися усердно Пресвятой Богородици: яко боляше и о здравѣ благодатію Богородичиною. Смотрѣте како всѣх промысленик вся на ползу строит, многаши наводит на ны различныя бользны да уцѣломудримся, да останемся грѣхов, да притецем к Богу покаянїем. А яко истинно то есть, послушаим отец святых. Святой Калист глаголет: благ сый и всѣм спастися хотяй Бог, множицею попускает людем в болезни впадати [В Недѣлю 6, по Святом Дусѣ], да очистятся от грѣхов грѣхами одержимые, тако бо гласом Божественнаго Пророка Іеремїи глаголет: бользны и ранами казнен будеши Іерусалиме. И Григорій На//зіанзен вѣщает: Востинну бользны тѣлесными душа къ Богу приближается. И другій Григорий Папа Римский глаголет, яко Бог человекѣа уязвляя, здравіе подают, и егда избранных своих из внѣ казнит, хошет да внутр живы будут, умершвляет да оживит, бїет да исцѣлит. И Исидор: бользнь тѣлу, здравіе есть душѣ, бользнь силу вождельнїи плотских пресѣцает. Егда убо приключается нам болѣти тѣлом, от сего познаваим благодатію Божию, яко сим ведет ны ко покаянїю. И неотчаевающеся, но надѣющеся на милость его благоутробїа, исправляим свое житїе, имуще пособицу нашу Пресвятую Дѣву.

ПРИЛОГ.

Иже зол быше прежде, нынѣ добрїи зѣло.

Грѣшник в чувство приходит, егда болит тѣло.

Святой Іоан Милостивый, повѣдаше о нѣкоем мытнику Петрѣ зѣло не милостивом, иже имый чим ударити и отгнати от себе про//сяща нища, верже приключшимся хлѣбом нанѣ и в лице удари его. Сему не по мнозѣм времени

попусти Бог власти в недуг зълный, яко до смерти боляше. И бысть в удась, видит себе восхищена на суд, идеже бсы вся грѣхи его от юности содѣянная на вазѣ положиша. Ангели же никоея внем обрѣтоша добрадѣтели, во еже бы противу грѣхом възложити, токмо хлѣб, он им же порази нишаго в лице, и сей в милостиню вмѣняюще, положиша на вазѣ, и стаха бсы равнѣ *[Шали]*. Посем глаголаху Ангели к нему: Петре, иди приложи къ хлѣбу сему, да претягнет твоя страна. В себе же пришед Петр, и помаль оздравѣв, толико уцѣломудрися, яко вся и предаде себе въ работу Христа ради, и цѣну за ся взятую убогим раздаде. Сподоби же ся и даря от Бога сицеваго, яко нѣма и глуха исцѣли словом. Зрите промысл Божій, како наказав бользню тѣлесною, в толикое цѣломудрїе сего приведе. //

РОСА ВЛАГОУТРОВІЯ.

Росу твоего благоутробїя подаждь ми Пренепорочная чистая,
грѣховным зноем тающему, печаль сама уступающи ми,
и радость Божественную подаючи
(Дамаскин в главѣ 4; в Четвер на Павчернѣ, Псьнѣ 3).

Чудо 21.

Близ Монастира святаго Пророка Іліи, немногіе подданіе тогожде Монастира пребывают, з тѣх една жена именем Марина, в тысячашесть сот седмдесят шестом году, от Недѣль Фоминой *[Року 1676. Септем. 16]*, впаде в недуг таков, в яцѣ м же бяше она, юже Евангелїе поминает: Бѣ сляка и немогуши восклонитися отнюд *[Лук. Гл. 13]*. Сея Марины мати Анна, со плачем великим припадала к святому Пречистой Богородици образу, просящи милости от нея, да исцѣленїе // подасть сляченнѣй дщерѣ ея тяжцѣ боляшой. Еже аще и нескоро, обаче добрѣ получи, над надежду бо тогожде лѣта, по Воздвиженїи честнаго Креста, дщи ея Марина, отпущена бысть от недуга своего, и абїе простреса и славяше Бога и Богородицу.

ВЕСЬДА.

Не вѣсть та Неблагоутробна быти, ея же утроба Благаго нам роди Бога. Апостол благоутробїем подвижаемый, глаголаше къ Учеником своим: Не тѣсно в мѣщаетеся въ утробу мою. Ночїе от святых къ всѣх вмѣщенїю, пространѣйшее благоутробїе обрѣстися может паче Марїина? *[В Кон. Гл. 6]* Вмѣщаетеся zde цѣломудреннѣй, и грѣшному здѣ же не тѣсно. Ту имать кающїйся свое мѣсто, и отчаянному з непокаянным, яки къ Ноеву Ковчегу, не точїю чистым но нечистым животным, прибѣжище невозбранно. Въ ея благоутробїи, душею и тѣлом // болящїи, яко в болници, паче же реку въ Врачебници почивают и цѣлятся всяко. Зде слѣпїи прозирают, глухіи слышат, хромїи ходят, прокаженнїи очищаются, недузи отгонятся, мертвыи восстают, и кто ли бо чесого востребует, все получает въ благостынѣ ея, яже чрез стог пшеници в псьнех пишется: Чрево твое яко стог пшеници *[Псьни Пснїй, глав. 7]*. Пшеница паче инѣх сѣмен честнѣйша и потребнѣйша: благость Марїина паче всѣх челоуѣк болша, и коемуждо от вѣрных зѣло потребна. Не изочтенны сут зерна пшенични во стозѣ, тако ни богатство благости ея сочисляется. Пшеница, питая челоуѣка, содержит временнѣй живот его. И наша Преизбранная Мысленная Пшеница Пречистая Дѣва, насыщая ны Хлѣбом животным, толико наш живот хранит, яко о ней живем ею содержимы.

Не затвори убо и мнѣ благоутробїя твоего Пречистая. //

ПРАВОУЧЕНІЕ.

Хотящая испросити цѣлбу сляченнѣй дщерѣ своей мати, съ плачем великим припаде ко Богу и Богородици, и слезами отверзѣ благоутробїя двер. Нибо удобно кому отверсти чїе благоутробїе без сих ключей, без слез глаголю. Сими же и Рай отверзеши. Пишет Богослов, яко в Рай врата суть создана от бисер, сирѣчь з перел. И едина каяждо врата бѣша от единаго

бисера [Апок. Гл. 21]. Бисер или Перла у П'єрїа, слезу образує, ему же согласуя и свида глаголет: яко егда въ соннѣм видѣнїи зрит кто перлы, плач знаменуєт. Томужде согласовати зрится и Святый Златоустый глаголяй: Очи Давидовы, дождем слезным украшенни бяху яко же маргаритами [Св. Златоуст, Гомилїа на Быт. 1]. Си єсть перлами. Дивляхся, аще перли суть слез образом и плача знаменїем; то почто врата перловая тамо, едеже ничтоже слезно зрится, ничто же плачевно слышится, но вся суть неизреченнїа радости исполнена? Разсмотрѣв же познах, яко того ради, да хотящїи в Райскую // радость внїйти, не иными в ню входити тшатся враты, точїю слезами. Зриши ли в Рай врата з перлы? Перла же слезу образуєт; то вѣжд, яко слезою внїйти тебѣ в Рай подоблет, и несть инаго в Рай входа, кромѣ слезной перлы. Но которїи Рай чловѣкови лучшїй паче Божїа и Богородичина Благоутробїа, в нем же и самое Небо залежит; ибо вси благоутробїем Бога и Божїа Матере молитвами, паче неже по своему достоинству, Небо наслѣдствуют. Нѣсуть бо достойны страсти вѣка сего къ хотящей явитися славѣ [Рим. 8]. Обаче и къ сему Раю, къ Божїю глаголю благоутробїю, не ина врата точїю бисер слезный. Прїйди поклонися, припади, и вѣсплачи пред Господем, сотворшим тя, и абїе посредѣ благоутробїа его обрящешися. Извѣстися о сем от словес Іеронимових, им же ту перлу слезную похваляя глаголет: О слезо смиренная, твоя єсть сила, твое єсть Царство, ты не трепещеши суда, заграждаєши бо молчанїем уста врагов клеветущим на тя, и нѣсть возбраняющаго тебѣ входа къ Богу. Аще же сама к нему внїйдеши, не тшо // вѣзвращаєши от него, что болѣе? Побѣждаєши непобѣдимаго, связуєши Всемогущаго, прекланяєши къ Благоутробїю Сына Дѣвїа, отверзаєши Небо, прогоняєши дїавола. Смотри како силна єсть слеза къ отверстїю Божїа благоутробїа, убо сею яко же перловою дверїю в Рай, входи в благоутробїе его.

ПРИЛОГ.

Земна Владыку благают ношены Дары, Блага же слезы сокрушены.

Нѣкто по мнозѣх грѣсех, пришед в чувство бысть Мних, и по вся дни неутѣшнѣ плакашеся о грѣсѣх своих, поминая день судный, и всем сокрушенїи сердца доволнїе поживе лѣта. Восхотѣ же Господь утѣшити плачущаго, и показати како любит и приемлет слезы кающагося чловѣка, явися ему в видѣнїи, облечен Іерейскими ризами, нося и показуя потир полн слез [Кїлбг]. Еже видѣв плачяся, паде ему на нлзѣ, неситною любовїю я лобызая, и вѣпроси Господа что бѣше // въ святом потирѣ носимое? Рече же ему являєся: се суть слезы грѣшницы, плакавшей у ног моих, в дому Симона прокаженнаго, сїа до нынѣ цѣлы сохраних, яко мнѣ зѣло приятны [Лук. Гл. 7]. Скончавшу же ся виденїю сему, быв в себѣ, обрѣте сердце свое неизреченнїа радости и сладости исполнено, и дивяшеся неизреченному благоутробїю Господа своего, ему же въ теплотѣ Духа до конца послужи. Смотри како слезы чловѣка, в Рай благоутробїа Божїа вселяют.

РОСА МИЛОСЕРДІЯ.

Бодрою си молитвою, и не ищетною простинею ущедри нас,
и подажд душам нашим милосердїе свое во вѣки источаючи
(в Повечерниці великой).

Чудо 22.

Пред враты Монастира Ілинскаго, лежаше чловѣк нищ, именем Стефан, болєй зѣло, нозѣ имѣя великими струпы зраненны, яко не моши ему ни мало ходити [Року 1676]. Сей цѣлое // лѣто лежа, и милостиню от воходящих испрошая, прїйде къ конечнѣй болѣзни, яко желати ему умрѣти паче неже жити в толицей горести. Начат же прилѣжно малити Пресвятую Богородицу умилосердитися над ним, обѣщаяся труждатися в той обители до кончины живота, аще бы ему подала исцѣленїе и силу. И бѣ видѣти Лазаря гнойна

лежаща пред враты Монастирскими, желающа крупизи благодати от богатой в милости и благоподатливой Неба и земли Царицы, чесого и нелишися. Его же бо ненадѣяшесе здравія, пріят, и исцѣленіе получи, и обновленную в себѣ крѣпость услыша, ею же поработа в обители добръ, величая цѣлебницу свою милосердную. //

ВЕСЬДА.

Ни на Небѣ ни на Земли обрящеша болшое по Бозѣ милосердіе паче Богородичина. Милосердни суть на Небеси Ангели, предстателствуют бо о нас, и ополчаются окрест нас: обаче и от тѣхъ единого видѣ Давид не милости внѣ убивающа Божія люди [2 Царство, глав. 24]. Мнози и на Земли человекы обрѣтошася милосердны, но не тако яко же Дѣва Богородица, ея же милосердіе, Божію милосердію есть точно, обоя бо бездною наречутся. О Божіем Дамаскин: Въ бѣзднѣ грѣховной одержим, неизслѣдную милосердія твоего призываю бездну [Октоих, глас 2, Пѣснь 6]. О Богородичном же тойжде: Милосердія твоего бездну призывающу ми подажд, благосердаго Родшая [Параклис. Пѣснь 4]. Сію бездну кто измѣрити может? О глубинно непостижимая милости к роду людскому! Мир сей яко шпиталь, исполнь калѣк, болѣе неже в пятахъ притворахъ при овчей купели солежащихъ, и кто я врачует? Ты, Премилостивая Царице. В овчей купели, единою в лѣто бывающаго воды възмущеша чаяху, и то единого // точію болнаго исцѣлеваше: в тебѣ же Богородице кипят всегда милосердія воды, не единого в лѣто, но безчисленныхъ калѣкъ врачующія. Да изочтетъ кто от милосердія твоего бывающа исцѣленія, не точію зде в Монастиру Ілинскомъ от чудотворныхъ твоихъ Іконъ, но и по инѣхъ мѣстехъ, яко же въ святой Печерской Лаврѣ, в Новомъ дворѣ, в Купятичах^е, и по различныхъ странахъ, Монастирехъ, и Градѣхъ. По премногу же в Преславномъ Богоспасаемомъ Царствующемъ Градѣ Москвѣ, и во всей великой Россіи, идеже суть не изчетными Чудотвореніи прославшїеся Іконы изображенія твоего, Казанская, Владимерская, Смоленская, Иверская и прочія безименныя, от нихъ же да соберетъ кто исцѣленныя калѣки, да сочислитъ утѣшенныхъ от печалій, да совокупитъ приемшихъ плястръ на душевныя язвы. Но кто доволей сіе сотворити?

Скорѣе в веснѣ цвѣты, в лѣтѣ зочтемъ класы,

Веснѣ плоды, в зимѣ снѣзи, в главѣ власы.

Скорѣе капль можемъ измѣрити в морѣ.

И скорѣе вси звѣзды исчитати горѣ,

Неже ли исчисляемъ Маршны чуда.

Являяся милосердъ Веспесіанъ египтяномъ, глаголаше: // почерпѣте от мене египтяне яко от вашего Нила. Аки глаголя: яко рѣка Нил, от него же вси черплете, подаютъ вамъ неоскудныя воды. Тако моя благодать неоскудна, от неяже черплете мое милосердіе. Но ложно рѣчь толикой со своимъ благосердіемъ себе уподобляше, могій в малыя горсти вомѣститися. Се воспосовати прислушаетъ Рѣчь Божіей Дѣвѣ Маріи, яже водъ благодатей наполнися. Та не Египетъ точію, но вселенную всю, Востокъ и западъ, Полудень и полунощъ напаяетъ потоками неизчерпаемыми милосердія своего. Вопросы всякого вѣрнаго, не причастился ли ея милосердія? Всяко речетъ: нѣсть ми инаго высочайшаго на небеси и на земли, яко же та по Господѣ моемъ Іисусъ Христѣ [Молитва по Акафістѣ]. Не имамъ иноя помощи, не имамъ иноя надежды развѣ Богородици, мнѣ яко той о ея Милосердіи молчати будетъ, иже помнитъ себе когда тща и неслышанна от нея изшедша. Но кто не услышанъ, кто не помилованъ, кто не обдаренъ от нея изыде? Точію той иже никогда не прибѣгалъ къ ней, обаче она Блага является и не ищущимъ ея. Явися убо и мнѣ милосерда, о Преподобная. /

НРАВОУЧЕНІЕ.

Милосердія Божія и Богородичина причащяся, исцѣлѣвый предъ враты

монастирскими реченный Стефан, въздавше сіе работою прильжною в тойжде обители. Мы же грѣшнїи, на всяк час Милосердіем Вышняго покриваемы, не хотим ему работати вѣрнѣ, но работаем мїрови и его суетам, тѣлу и его похотем, и прелестем бѣсовским паче неже Богови. Горе нам яко избираем худое вмѣсто лучшаго, страстем нашим вмѣсто Бога служим, идеже бо кое въздѣльше повлечет челоуѣка, и ко яцѣй вещи сердце чїе привязуется, се ему есть и Господь и Бог. Тако святыи Іероним бесѣдует: ему же Бог чрево есть, тому Бог нов есть, каковы либо грѣхи имамы, и колико, толико богов новых имамы: разгнѣвахся, гнѣв ми богом есть, възрѣх на жену в еже въздѣлѣти ю, въздѣльше ми Богом есть, и всяк еже воздѣлѣет, сіе ему богом есть [*Перон. на псалом 80*]. Убо единому Вышнему Богу послужьм, неслушающе ниже работающе суетным господїям, // нибо можем двѣма Господином работати, одинаго бо возлюбим, а другаго возненавидим, или одинаго удержимся, о друзьм же вознерадим, не можем Богу работати и мамонѣ. Глаголет Григорїи Святыи: никто же может в тойжде и единой вещи Всесилному Богу работати, и врагом его угаждати, не хошет сей быти друг Богу, иже врагу его угаждает [*Григорїи. Гомил. на Іезек.*]. И діоптра: не попусти Бог себѣ и да тону един и тойжде олтар подавати, и сего никогда же сподобишася филистимове, аще и всѣми силами труждахуся. Не хошет Бог тамо мѣсто имѣти грѣху, идеже лице его Блаженственное обрѣтается, не терпит вкупѣ себѣ и мїру имѣти поклонники.

ПРИЛОГ.

Мїру, тѣлу и бѣсу работают мнози.
Ни во что же та мѣнит, хотяи жити в Бозѣ.

Святыи Іоасаф Царевич Индійскїи, да не работает мїру, Царство свое земное остави. Да не работает тѣлу, заключен сый со прекрасною дѣвицею, любви ея отвержеся. Да не работает // прелестем бѣсовским, идолы попра. Наконец же вся уметы мѣни быти, да Христа приобращет, и сему поработа въ Преподобїи и правдѣ до блаженныя кончины своея во пустынь.

РОСА ОБУРЕВАЕМЫМ ПРИСТАНИЩА.

Пристанище нам буди влающимся,
и отише въ пучинѣ скорбїи (Акафист. Пѣснь, 6).

Чудо 23.

Людин нѣкто в Чернѣговѣ именованъ Фома, Богу попускающу грѣх ради, сицу наважденїем бѣсовским безумися, яко искаша сам себе погубити [*Року 1676, Августа 14*]. Еже узрѣвше приключшїися людїе, едва нуждею его от толь извлекоша, и колтуны ему от главы изорваша, влекуще его с кладязя. // Он же исторгся от руки их, паки бѣжаше къ водѣ топиться. За стражею же сый чрез нѣколико днїи и ношїи, не можаше сна ни мало вкусити, бѣсовскими мечтанїем и привидѣнїем устрашаемый. Сей егда приведен бысть въ Монастир Ілинскїи, къ Чудотворному Пресвятой Богородици образу, абїе исцѣлѣ, смысл, разум, здравїе и крѣпость прїять.

БЕСЬДА.

Аки в мори в сей немощи челоуѣк обуреваемый потопляешся, и уже бы ему погрязнути, яко олову в водѣ зѣлней, аще небы достиг пристанища небурнаго Пресвятой Дѣвы.

Нѣкто волненїа и буры избыв, хвалится: Прїйдохом на мѣсто нѣкое нарицаемое доброе пристанище [*Дѣян. 27*]. И гдѣ лучшее пристанище паче Марїи? // Та аще точїю кто к ней пристанет, от всякаго потопленїа цѣла и невредима его сохранит.

Шествоваше иногда Израиль сквозѣ чермное море невлажными ногами, и что его сохрани от воднаго потопленїа? [*Ісгод, гл. 14*] Хошеши чаю рещи яко

жезл Моисеов, раздѣливый начертаніем Креста воды; но не без Богородици, ибо тоя тамо прописовашеся образ. Слыши что сладкоглаголивая Ластовица Церковная Дамаскин святыи о сем воспѣвает: В чермнѣм морѣ, браку Неискусимыя невѣсты, образ написеся древле [*Догмат. Глас 5*]. И се храняше Израиля от волн морских яже потопиша фараона. Хотяху чаю воды и жидовска рода не пощади ти, яко тѣ х иже имѣяху быти неблагоприятны, ропотницы, отступници от Бога, и врази его, наконец же и убійци Сына Божия. Обаче видяше в них Марино прознаменованіе, убо яшася волны морскія: Море видѣ и побѣже [*Псал. 113*]. Зриши ли како въ ветсѣм еще завѣтъ Марія, точію прообразованіем своим, тихое пристанище бѣше. Внемлѣм же и Іонину невреденію: како в глубинѣ морстѣи // еще же въ утробѣ воднаго звѣра, посредеѣ толика смрада и тѣсности, не умер три дни, и ни мало вредися, идеже бы челобѣкови ни полчася мощно живу быти. Что тамо его храняше цѣла? Нечто ино, точію таяжде Преблагословенная Дѣва Марія, ея же и тамо преображеніе бѣше, тако гласит Церков: в утробѣ Іони младенца невреди морскіи звѣр, яковаго же пріять, въ Дѣвицу убо вселися Слово и плоть пріем, пройде сохранив неистлѣнну [*Канон на Рожд. Христова, пѣснь 6*]. И се храняше Іону три дни жива и невредима, яко хотяше Слово от Дѣвы нетленно воплотитися, чесого Іона образ в китѣ бѣше. О, коль доброе пристанище Пречистая Дѣва, яко своих и от дна морскаго живы и цѣлы изводит. Кто без нея, сей в лыжици воды утонет. Придержай же ся ея, аще и посредеѣ моря будет, стопы ножнїи немочит.

Храни убо и мене, о, Маріе, да не погрузит мене буря водная, ни да пожрет мене глубина. //

НРАВУЧЕНІЕ.

Погружаемся и мы въ водах многих, мїр бо сей окаянный есть морем, сиче его мнози проименоваша. Амвросій святыи: Кое море сиче есть нагло якоже мїр, толико невѣрен, толико мятежен, толико пропастен, толико нечистих духов вѣтрами волнящя. Святыи Златоустыи глаголет [*Св. Златоуст, Гомил. 33*]: Различными грѣхами и многообразными искушенїи, яко же нѣкїими волнами бурится мїр сей, о нем же чтем: Се море великое и пространное [*Псал. 33*]. Кассиодор: море во правду уподобленъ есть мїр, яко лжами горек, волнами бѣсовскими трасется, прегрѣшенїи вѣтрами смущается [*Кассиодор на псал. 44*]. И Дамаскин святыи сѣтует: прїйдохъ въ глубины морскія (си есть въ мїрскія страсти) и потопила мя есть буря многих ми прегрѣшенїи [*Октоих, глас 4, пѣснь 6*]. Воистинну другое мїр море, яко же бо въ пучинѣ морстей, тако въ мїрѣ многообразнїи пагубы, погруженїя, нечаянїя, бѣды, яко рещи Апостолу: весь мїр въ злѣ лежит [*1 послан. Іоан. 3, 5*]. В нем же житіе есть смертїю // горкою паче неже животом, еже описует блаженный Августин сиче: Еда мы живот сей, его же в мїрѣ видим, нареши животом можем? [*Августин, книга о Богомш. Глав 20*]. Его же вѣтри надывают, болести истончивают, огневици изсушают, воздухи немощми исполняют, брашна отягчывают, посты смирают, глумленїя соблазняют, скорби истлевают, попеченїя истнивают, бѣды оскорбляют, богатства отолстѣвают, нишета на землю повергает, младость возносит, старость прекланяеть, болѣзни и злыи случаи мучат, по толиком же многом злѣ смерть на конецъ настоит. В толико злом мїра сего морѣ суще, посредеѣ толиких бѣд, скорбїи, и напастей, почто не ищемъ пристанища? Почто и еще суеты держимся? Почто несытнѣ сланую пристрастїя пїемъ воду? Почто пагубу нашу любимъ? Не слышимъ ли святаго Назианзена проповѣдующа: Се мїр, его же любимъ убѣгает, уже самъ в себѣ усше, въ сердцахъ же нашихъ еще процвѣтает: всюду смерть, всюду плач, всюду погибель, от всюду бїютъ ны, обаче мы // ослѣпленнїи похотїю плоти, тыя самыя горести его любимъ, бѣгущаго гонимъ, нападающемъ вспѣраемъ, немогуще же подперти падающаго, сами с нимъ падемъ [*Св. Назианзен, Гомил. на Евангелїе*].

Сих словес послушающе, и очима истину их въ мїрѣ видяще, отвержѣмъ всякую печаль житейскую, а ко пристанищу Небесному, къ Богу и Божїей Матерѣ, скоро и усердно притецѣмъ, каждо нас вопиюще: ты мене окорми ко пристанищу твоему благимъ виновная, вѣрнымъ утверженїе едина всепѣтая [*Параклис, пѣснь 3*].

ПРИЛОГ.

Мїролюбцемъ якъ в морѣ, от всюю бѣда многа;

Добру пристань обрѣте, иже възска Бога.

Въ Царство Юстинїана^Г бѣ нѣкая жена отъ Благородныхъ, первая Патрикїя въ полатѣ Царевой, именемъ Анастасїя, вдова, всѣми и самымъ Царемъ почитаема, ради многоаго ея разума и цѣломудрнаго житїя. Но добродѣтель всегда имать своя ненавистники, Царица бо Феодора, видящи ю Царемъ почитаему и хвалиму, // разгнѣвася на ню зѣло, и мысляше злѣ о ней отъ ненависти. Еже увѣдавши Блаженная та Анастасїя, и разсмотрѣвши многмятежное суетствїе и праздную паче же и пагубную честь мїролюбцевъ, остави вся, и утаившися наятъ корабль, нѣкую точїю честь отъ имѣнїя своего взявши, бѣгу ятсѣ, и постиже Александрїю, и вселися тамо, идѣже и Монастирь созда, иже и до днесь Патрикїинъ глаголетсѣ. Умершей же Феодорѣ Царици, посла Цар на възскаше ея, хотяши ю себѣ сотворити Царицу ради ея премудрости, и красоты, и цѣломудрїя, всѣми бо бѣше отъ Бога дарами обдаренна. Се увѣдавши блаженная, паки далшему ятсѣ бѣгу, ничесоже взявши съ собою, яко едина отъ нищихъ. И прїиде ношїю въ скитъ къ Преподобному Отцу нашему Данїилу, сему вся яже о себѣ подробну исповѣдавши, повержеся на нозѣ его плачуши, моляше и дати ей внѣ скита келїю гдѣ въ пустынь, и утаити ю, да никтоже о ней увѣсть до кончины ея. Преподобный же Отецъ Данїил, дивлясѣ теплотѣ Духа в ней, и раченїю Блаженственному, облече ю въ Иноческїй образъ одѣянїемъ // мужескимъ, и преименова Анастасїемъ, скопца ю нарекъ, дав ей пещеру осмнадесѣтъ поприщъ отъ скита. В той пещерѣ Преподобная избывши много бурнаго мора мїрскаго, преобтѣдѣвши всю славу и честь Царскую, и богатства, яко къ пристанищу тихому къ единому Богу приставши, поживе лѣтъ двадесѣтъ осмъ, во трудѣхъ и подвизехъ, ихъ же кто исчести можетъ, точїю единъ Всевидецъ. И никто же увѣда о ней яко жена бысть, но евнуха быти глаголаху. На всякую же Недѣлю отецъ Данїилъ глаголаше ко ученику своему: возми чадо мало хлѣба и воды, и неси къ отцу Анастасїю скопцу въ пустыню, и ничтоже къ нему глаголи, точїю толкнувъ съ молитвою, и положивъ при дверехъ приносимое, абїе отходи молкомъ (невѣдаше бо и ученикъ ничто же). Сему по вся лѣта ученику творящу, единою прїишедъ, обрѣте при дверехъ дщїцу написанну сице: прїиди отче скоро, а возми же на потребу. Се ученикъ вземъ, принесе отцу, иже прочетъ восплакса и глаголаше: горе внутрнѣй пустынь, какова столпа пострада днесь. Вземъ же Божественная тайны, и поемъ // ученика, тече скоро. И прїишедъ отверзъ пещеру, обрѣте Преподобную огнемъ содержиму. И поверже себе отецъ на перси, и плакавъ много рече: Блаженъ еси отче Анастасїе, яко о часѣ семъ попеклѣся еси, преобидѣлъ Царство земное, и славу человечу. И глагола ему Анастасїй: Блаженъ еси ты новїй Аврааме и странноприемниче Христовъ. И глагола отецъ Данїилъ: сотвори молитву отче Анастасїе. И рече Анастасїй: Азъ паче требую отъ тебе молитвъ в часъ сей. И рече отецъ: Аще быхъ предварилъ азъ часъ сый, то быхъ помолился о тебе. Тогда Анастасїй воскловнѣвъ мало отъ одра своего, прїемъ главу святаго отца лобызаше глаголя: Богъ наставивый мя и приведый въ мѣсто сіе, той да совершитъ старость твою, яко же Аврааме. Вземъ же старецъ ученика своего, и поверже и предъ ногама Анастасїа глаголя: Благослови отче чадо свое. Онъ же прїемъ, облабыза его глаголя: Богъ чадо предстоѣй ми в часъ сый разлучити мя отъ тѣла моего, вѣдый колико стопъ сотворилъ еси къ келїи сей, той да упокоитъ ты съ свѣтлыми своими, яко же упокоилъ есть Духъ Ілїинъ на Елисею, и наречетсѣ

// имя отец твоих на тебѣ. Посем глаголя Анастасій къ отцу, да несовлечете мя от риз моих их же ношу, но яко же есмь сие и погребѣте мя, да не увѣсть кто яже о мнѣ. Та же причастися Божественных таин, и обливашея теплыми слезами: нынѣ отпускаеши мя глаголя. По сем молѣте о мнѣ рекши, возлеже на одрѣ, и възрѣ на восток, и одесную себе, рече: добрѣ прійдете, идем. И бысть лице ея яко огонь, и сотвори Крестное Знаменіе на устѣх глаголя: Боже сил в руцѣ твои предаю дух мой, и сие предасть душу свою в руцѣ Божіи. Рыдаваше же много отец и ученик над мощами, ископаша гроб пред келіею, и взем верхнюю з себе ризу отец, повелѣ ученику облещи тѣло честное верху риз в них же бѣше. И егда одѣваше брат святыя мощи, видѣ сосца женстїи яко же два листа иссохшїи, и от сего позна яко жена бѣ естеством, и рече къ отцу: Авво, се отец Анастасіе жена бѣ. Видѣв же Препадобный яко не утаиса се от ученика, вся подробно ему о препадобнѣй Анастасїи исповѣда, како избѣ гшю мятежнаго міра облече одѣ янїем мужеским, Анастасїем // преименовав и скопца его нарекова, да утаится ищущих, многи бо Магист^яны посылаше Цар на взыскаше ея, не точїю же Цар, но и Патрїарх Александрїйскїй. И тако цѣловаше честныя мощи, погребоша я, хваляше Бога дивнаго въ святых своих. Зри како тя препадобная мірскаго моря избѣгши, къ доброму притече пристанищу.

РОСА ВОСКРЕСЕНІЯ.

Радуйся Воскресенія образ облистающая (Ікос 7).

Чудо 24.

В селѣ Яриловичах^д, человек именем Ярмола, имать сына Тимофея. Сей Тимофей мал сый отрок, в полчварта года, в понеделок свѣ тля седмици Воскресенія Христова, напрасно умре, не имый ни коея вины смерти, здрав бо бѣше, ни мало чим постена, но и со прочїими дѣ тми сверстными // вчера играша [Року 1679. Априля 21]. И тако мертв от утра до полудне лежаше. Плачущим же родителем о нем не утѣшнѣ, случися тамо быти в то время отцу Варфоломею Иеромонаху обители Илинской, иже и совѣтова да о мертвом своем сынѣ съ вѣрою молят Пресвятую Богородицу, яже бы воскресила его, и да сотворят обѣт воздати поклоненіе Чудотворной ея Иконѣ в Монастиру Илинском. Родителїе же совѣт благ приемше, возрыдаша къ Богородици съ добрыми обѣ ты, вручающе ей сына своего, и о возвращенїи вонь духа его моляще. Слава дивной и скорой помощи Богородичной: внезапно воскрес отрок, и проглагола, и воста здрав // всѣм приключшимся zde зрящим, и ужасающимся о преславном сем чудеси. И скоро отец отрока поведе в Монастир Илинскїй поклонитися великой Благодѣтельцѣ своей, пред Иконой ея Чудотворною.

ВЕСЬДА.

Всякїя болѣзни цѣлятся различнѣ, но смерть никако же.

Нѣсть врача ни врачеванїя, еже бы могло умерша воздвигнути:

Врачеванїя против смертной зрадѣ,

Не обращаши и въ вертоградѣ.

Обаче послушайте мене, аз вам покажу Врачебницу, могущую и мертвыя цѣлити и воскрешати. Пресвятая Дѣва жизни Мати, юже гроб и смерть не удержаста, та от гроба и смерти вѣсть возставляти умерших. Похити иногда, напрасно смерть отрока сына сумантянины, сїя воставши иде къ человекѣ ку Божию въ гору Кармил, тогда бо Пророк Іелисей въ Кармилѣ бѣше [4 Царств. Глав. 4]. Смо//три судьбы дивныя, почто Пророк воскреситель быти имѣяй умершаго отрока, медляше въ горѣ Кармилстѣ и? Сїя чаю тайна: да Мати Воскресенія ради Сына своего къ Пророку градушая, притечет къ горѣ Кармил, яже прознаменоваше Дѣву Богородицу, о ней же глаголет Дух Святой: Глава твоя на тебѣ, яко Кармил гора [Пѣснь пѣсн. Глав. 7]. Кто бо к

ней притечет, сей прїмет от воскресенїя мертвыя своя. Къ сему же, да и Пророк грядый воскресити умершаго, воспрїмет на се чудесную силу от Богородичина прознаменованїя в Кармилѣ. Воскрешая Господь сына вдовичина въ градѣ Наин, коснуся одра, и прикосновенїем его смерть прогнана [Лук. Гл. 7]. Такожде и различныя болѣзни прикосновенїем его цѣляхуся, яко сила от него исхождаше и исцѣляше вся [Лук. Гл. 7]. Зде удивляюся животворной силѣ въ Пречистой плоти Христовой, яже аще где прикоснется, тамо неточїю болныя цѣлит, но и мертвыя въскрешает. Обаче вопрошаю: откуда сія животворящая Плоть Христова? Не от Дѣвическїя ли Утробы произыде? Ей от нея Плоть Христу исткася, то уже зрѣте ясно въ Дѣвѣ Марїи животворную силу, и мертвыя // оживляющую, от ея бо взятою плотїю Христос, кого прикасашеся, въскрешаше и цѣляше. Не всуе воздвигши нѣкая жена глас от народа рече Христу: Блаженно чрево носившее Тя, и сосца яже еси ссал [Лук. Гл. 11]. Воскресни убо и мене умершаго грѣхами, о Мати жизни.

ПРАВОУЧЕНІЕ.

Аз грѣшный жив сый тѣлом, мертв же душею, точних мнѣ со собою грѣшников зову: градѣмъ къ мысленному Кармилу, къ Горѣ Божой тучной и усуренной, в ней же благоволи Бог жити. Къ Пречистой и Препоблагословенной Дѣвѣ Марїи, да воскресенїе спасенное улучим, да ветхаго челоуѣка в страстномъ обычаю грѣховномъ лежащаго отложше, в новаго, покаянїемъ востающаго облечемся. Сїя жизни Подателница, аще точїю узрит ны к ней притекших, абїе оживит, възводя на путь покаянїя, самыя бо очеса ея воскресенїя образ блистают, призрит на ны и помилует ны. Обрѣтается птица, страннымъ обычаемъ, // не яко же вси птицы, птенца от плода своего изводящая: очима, прилѣжнѣе на ня смотрѣ нїемъ, нѣкая бо есть в очесахъ тоя птицы естественная сила, яже плодъ зачинает, оживляет, и изводит [Струсь]. Что разумѣши о очесахъ Пренебесной мысленной птицы Дѣвы Марїи? Не имут ли силы животворной? Ей имуть, на кого бо отгрѣшныхъ призрят, сего сотворятъ зачатїя исправленїемъ, ожити покаянїемъ, и изыти на путь добродѣтелей. Не всуе в пѣсняхъ нѣкто к ней вѣщаетъ: обрати очи твои прямо мнѣ [Пѣснь пѣс.] Яко тыи воскрилиста мя, аки бы рекл: очи твои призрѣвше на мя, сотвориша мя птенца, да доста бо ми крылѣ къ лѣтанїю Богомыслному. Ибо на него же призритъ Марїя, аще и ползаше по землѣ земная мудрствуя, сей исправляя въперитя и возлетитъ высоко Богомышлемъ. Многихъ учителей чтихъ разумѣ нїе, яко егда Господь наш и Мати его тѣлеснѣ съпребываху челоуѣкомъ на землѣ, обое не мало грѣшныхъ обратиша къ покаянїю самымъ точїю на ня возрѣнїемъ. Яко и на Петра возрѣвъ Господь, и абїе помянувъ Петра глаголъ Господень, изшедъ // вонъ плакася горко [Лук. 13]. Господу нашему, есть то единый покой въскрешати души умершїи грѣхами, сирѣчь: обращати грѣшниковъ от заблужденїя ихъ на стезю спасенную. Еже знаемо есть от святаго Амвросїя, иже разсуждая сїя словеса в бытияхъ: Почи Богъ въ день седмый [Быт. Гл. 2], глаголетъ тако: Сотвори Богъ Небо, но не чту, яко почи по сотворенїи Небесе, сотвори Землю, быту почи, сотвори солнце, луну и звѣзды, ниже тамо чту, яко почи Богъ. Но егда сотвори челоуѣка, тогда почи, имый кому грѣхи отпустить. Внимаи самъ словесемъ святаго: Тогда почи имый кому грѣхи отпустить. Зриши ли покой Господень? Зриши ли благоутробїе его? Зриши ли неизреченную и всего міра грѣхами непреодоленную благость и незлобїе его? Покой имать, пространство и веселїе, прощати прегрѣшенїя наша. Но и Матери Божїей тожде есть покой, зрѣти ти прошенїе прегрѣшенїемъ нашимъ, молитетвовати о насъ, въскрешати ны от грѣховъ смертныхъ чрезъ подаванїе намъ своея благодати къ житїи исправленїю. Извѣстны будѣмъ о семъ ея покой отъ словесъ, яже мудрость Божїя в лицїи ея // глаголетъ (по Іеронїмову преводу) во всѣхъ покоя искахъ. Аки глаголя: Всѣмъ хотѣла быхъ спасеннымъ быти, ни

единому же мертву душею, но всѣмъ жити добродѣтельно, о всѣхъ покаяніи радоватися ишу, во всѣхъ сердцахъ предпочити хошу [*Сирах. 24*]. О Благости, милосердія и челоуѣколюбія Богородичина! И мы убо не отступѣмъ отъ нея, но при ней почиваемъ усердіемъ всегда, да и душа наша умершая грѣхами, воскреснет, и ея Духъ в насъ препокоится, егда мы уклоншеся отъ зла начнемъ творити благо.

ПРИЛОГ.

Кающагося Богъ готовъ прощати,
Но на се его умаляетъ Мати.

Челоуѣкъ нѣкій беззаконенъ, имѣяше правило повседневное къ Присвѣтѣ Богородици молитися, повтараючи частѣ слова Ангелскаго цѣлованія: Радуйся обрадованная [*В діалог. Картузи*]. Единою убо хотящу ему ити къ скверному беззаконію, обратися къ образу Пресвѣтой Богородици, да первѣе совершитъ обычное къ ней маленіе, и посемъ идетъ на замышленное злое дѣло. Молящу же ся ему по обычаю, нападе // страхъ на нѣ, и бысть во ужасѣ, видитъ образъ движущаго, и се жива Богородица со Сыномъ своимъ на руку держимымъ, зрящеся [*В захвицейю*]. Отверзоша же ся язвы Младенцу въ Рукахъ и Ногахъ и въ Боку, и течаше Кровь отъ язвъ потоками яко же на Крестѣ. Се видя, паде отъ страха и возопи: О Госпоже, кто се сотвори? Отвѣща Богородица: Ты и прочіи грѣшники, иже паки распинаете Сына моего грѣхами, яко же Юдее. Тогда грѣшникъ возридавъ рече: Помилуй мя, о Мати милосердія. Отвѣща же ему: Матеръ милосердія мя нарицаете, скорбы же мя исполняете и горести дѣлы своими. И рече грѣшникъ: Ни Владичеце, да не преодолѣетъ злоба моя неизреченныя благости и милосердія твоего, Ты бо еси всѣмъ грѣшникомъ едина надежда и прибѣжище, приклонися убо на милость благая Мати, и умилости о мнѣ Сына твоего и Творца моего. Тогда Препоблагословенная Мати начатъ молити Сына глаголющи: Благоутробне Сыну мой, любве ради моея помилуй сего грѣшника. Отвѣща же Сынъ: не прогнѣвайся Мати моя, яко непослушаю тя, ибо и азъ молихъ Отца, да мимо идетъ отъ меня чаша страстій, и не послуша мя. Рече Мати: помяни, // Сыне, сосца ими же въздохъ ты, и прости сего. Отвѣща Сынъ: и вторицею молихъ Отца о Чашѣ, и непослуша мя. Паки Мати рече: Помяни бользны моя, яже съ тобою претерпѣхъ, егда ты на Крестѣ тѣломъ, язъ же подъ Крестомъ утробою уязвляхся, проходящу оружію душу мою. Отвѣща Сынъ: и третицею молихся Отцу, да мимо несетъ Чашу, но не благоволи послушати. Тогда Мати восставши, посади Сына, и хотяше ему къ ногамъ припасти. Возопи же Сынъ: Что хоцеша творити, о Мати? Пребуду, рече, лежаши у ногу твоею съ симъ грѣшникомъ, дондеже простиши ему грѣхи. Тогда Сынъ: законъ повелѣваетъ да Сынъ чтитъ Матеръ, правда же хоцетъ да законодавецъ самъ будетъ закона исполнитель. Азъ Сынъ твой, ты же Мати моя, язъ ты долженъ чтити, послушая твоего моленія. Буди убо яко же хоцеша, нынѣ прощаются ему грѣси тебе ради. Вознаменіе же прощенія, да лобжетъ моя язвы. Вставъ же грѣшникъ, трепеща и радуясь коснуся устнами Пречистыхъ язвъ его, и бысть въ себѣ. Скончившуся виденію, обрѣте сердце свое страха и радости // исполнено, и начатъ прильжнѣе плакати и рыдати, припадаючи къ образу Владычицы, благодаряше и моляше, да яко же видѣ въ ужасномъ видѣніи благодѣ Господню грѣхи прощающую, сиче и всегда помилованну ему быти. И оттолѣ исправль свое житіе, поживе Богоугоднѣ. Смотри, каково прилежаніе есть Ходотайцы нашей о прощеніи согрѣшеній нашихъ. Слава милосердію ея, слава неизреченному благоутробію ея, слава богатству щедротъ ея, нынѣ и присно и въ вѣки вѣкомъ. Аминь.

МОЛИТВА.

Слава тебѣ Мати Божія, верныхъ прибѣжище, избавленіе въ лютыхъ содержимымъ, душъ моей Божественное утѣшеніе. Всеокаянную душу мою, Богоблагодатная, уязвленную стрѣлянїи ратника, поручаю всесилному

предстательству твоему, уже соблюдай и покрывай, и спасай от бѣсовских
козней невредиму, да зову ти: Радуйся Невѣсто неневѣстная. //

КОНЕЦ

Книжки, но не чудов Пресвятой Богородици, кто бо я исчести может?
Суть ина многа, zde же точію двадесят и четьри, в число часов дне съ ношію,
положишася, не безвины: Случи бо ми ся чести в книзѣ Петра Даміана вещь
сичеву: Клирик нѣ кій Нивірійскоя Церкви, боляше бользнію зѣ лною до
смерти [*Преп. Дам. Книг. 6, посланіе 29. То де обрѣтается у Аліоізія и нумбра
Вѣргілія, книг. 4. экскур 27, нумеро 736*]. Бяше же ему обычай, на всяк час,
егда знасеноваше Зегар, поздравляти Пресвятую Богородицу Ангельским
цѣлованіем: Радуйся обрадованная. Прилагаючи к сему нѣкую к ней молитву.
И творяше се днію и ношію, аще бо и усну когда, то знаменующе Зегару часы,
возбуждашася и совершаше обычное моленіе. И толико Владычицу нашу
почиташе сим своим правилцем, елико часов во дни и в ноши миноваху.
Тому лежащу на одрѣ бользни и хотящу умрѣти, се является Пресвятая
Владычица наша Богородица, и мало открывши девическую свою сосцу,
стисну, воздои, и покропляет млеком устнѣ болящаго, и невидима бывает.
Сему же бывшу, воскочи болный здрав, // облечеса скоро въклиричесюя
своя одежди, и потече къ Церкви. Внїйде в хор, ста в чину своем посредѣ
поющих клириков, всѣ м удивляющимся и ужасающимся о внезапном его
премѣненіи, и нечаянном здравіи, никто же бо его чаяше жива быти.
Вопрошают вси вины таковаго скорога здравіа; он пред всѣми исповѣдует,
прославляя цѣлебницу свою Премилостивую, како Дѣвическим своим
млеком от сосцу, покропи уста его, коего млека еще на устну слѣди
показовахуся. Оле чудеси преславнаго! Можаше та Премудрая цѣлебница и
инѣм коим образом исцѣлити своего раба, словом или прикосновеніем, обаче
сей странен образ врачеванія ему показа: тыя устнѣ Дѣвическим покропляюще
млеком, яже по вся часы Дѣвицу Пресвятую хваляху, zde еще на земли мзду
воздая им. Еже вси видяше и слышаше, восхвалиша и возблагодариша
единѣми усты и сердцем препрославленную Дѣву Богородицу. Се яз прочет,
дивихся благодти толикой Богородичной, и подвигу усердному онаго
клирика. Лѣнив же сый и уныл, не возмогах наслѣдовати его // добродѣтели.
Обаче стяжавшу ми усердіе, помощію Божіею и Богородичиною, списати
чудеса от образа чудотворнаго иже в Монастиру Ілинском бывающее:
умыслих, мало подражая Блаженнаго Клирика онаго, двадесят четьри Чудес,
на похвалу и славу Дѣвѣ Богородици, в сей Книжицѣ списати, с Бесѣдами и
Нравоученіи, в число двадесяти и четьрех часов, ихже день с ношію в себѣ
заключает. Да не точію молитвою, но и чтеніем, по вся часы прославляется
Преблагословенное Имя Дѣвы Маріи от нынѣ и довѣка.

Нетокмо же чиением, но и взираніем на ея Пречистый образ також де и
поклоненіем да будет прочитаемая и хвалимая Преблагословенная Дѣва
Богородица, сего ради положена есть здѣ икона Пречистаго покрова ея з
честным омофором, на нем же изображены суть часы, наукою математицкою
розмѣренни з вѣршами надписанными. Сей образ написан есть прекрасно на
стѣнѣ Церковной Святого Пророка Илии от внѣ зрящей наполуден,
величеством вдолготу лактей пяти, яко нетокмо близ прихо // дящий, но и
оподаль лугом (тамо бо путь великий в Чернѣгов обрѣтается) мимоходящіи
поклоняются Пречистому ея образу. Сия икона прекрасно списанная слонцу
восиявшу указывает часы неложно во дни токмо; Сию преблагословенную Дѣву
Богородицу, в Чудотворнѣм своем и преудивителном образѣ в сем
Монастиру святой и живоначалной Троицы Ілинском чернѣговском
чудотворенми преславно со вѣрою несумѣнною приходящим
прославляючомся, почитай и ты читателю возлюбленный и покланяйся ей и
надписанныи часто читай вѣрши, изучив я на память; яко нетокмо в житіи

своем, но и при смерти обрящещи покров, и помощь от все помоществующой Защитницы нашей Богородици, ей же да будет имя благословенно и покланяемо на всяком мѣстѣ владичествыя Господня. Аминь. //

По написаніи двадесяти и четырех Чудес Пречистой Дѣвы Богородици, собранных в число двадесяти и четырех часов дневнонощных, паки новѣйшая нѣкая знаменитшая чудеса, от того же де Богородичіна образа сотворшаяся, да не пойдут молчаніем в забвеніе, здѣ же в честь Небесной Царицы полагаются:

Чудо Пресвятой Богородици 1,

еже бысть року 1683, месяца мая 17 дня.

На вознесеніе Господне Феодор Ивонович Головленков, их царского Пресвѣтлого Величества стольник, и на тот час воевода Чернѣговский, одержим бѣше неисцелимою и уже отчаеваемою немощію, завомою желтою, привезен есть ко Чудотворной Иконѣ пре Святой Богородици в Монастыр Илинский, ко ней же со всеусерднем, общася и всецѣле себе отдале, мало жив сый проси Игумена и братіи о себѣ помолитися и обычный Акафист къ пресвятой Владычици отпѣти. Егда же скончевахуся икоси и пояху о всепѣтая Мати, тогда почув в себѣ сылу мужашеся помалу. По скончаніи же Акафиста здрав бысть и пребысть в Монастыру до Святой Литургии. // (Привезен бо бѣ велми рано во время пѣнїя утренего). Проходяше же по горам хвала и благодаря преблагословенную Дѣву Богородицу, Премилосердную Матер немоществующих. Привезено же ему здѣ в Монастыр и обѣд по повеленію его и сорадостію обѣдав здрав в дом возвратися.

Чудо 2^е

Пресвятой Богородици,

еже бысть в року 1687.

Их Царского Пресвѣтлого Величества войск Запорозких обозный Василий Борковский^е, приехавши по Воскресеніи Христовом з Батурина в Чернѣгов, так захорѣл и опухл, же не мог сам о себѣ на одрѣ повернутися, и з одра немогл востати. А гды долго так хоровал, прислан был к нему з Батурина от их Царского пресветлого Величества Гетмана доктор з розними лѣкарствы. Так же из Литвы доктора зискано, и не могли доктора тыи отнюдь жадной помощи дати хорому. Тым часом случилось Ілѣнского монастыра Інокю, Іеродіакону Феофилу, прийти по нѣякомсь дѣлѣ в двор его милости Пана обозного. А видячи его тяжко боляшого, речет ему: Офѣруйся Вшмоч мосци // Пан Пресвятой Богородици нашей Ілинской, и будеш Вшмоч здоров. А он оскорбившися з гнѣвом ему рече: Що ты мене учиш офѣроватися, дитя мое будучи, я, мовит, сам своими очима видѣв слезы Пресвятой Богородици, и сам от ужаса и умиленїя плакалем. Гды видѣлем плачущую Пресвятую Богородицу, же як перлы чистїи от пречистых очес еи слезы, една по другой точилися, на шо и всѣ Чернѣговци через девять днїи приходячи смотрѣли, и на такое чудо смотрячи ужасалися и плакали. До того и чудес уже сам много знаменитих видѣлем и всегда ей офѣруюся, и вѣру и надежду на еи имѣю, а ты мене почав учить. А дїакон мовит: Панови Вмс, свою вѣру и офѣруйся сердечне, и будеш здоров. То мовячи, отишов от него. А Пан обозный по отходѣ дїаконовом, воздохнув от сердца ко Пресвятѣй Богородици, и зараз повернувся на одрѣ на другой бок. Потом другой зараз, и третий раз повернулся, и здалося ему легко. Потом дѣвчину малую предстоящую призвавши, речет: подай мнѣ черевики и подними мене. А дѣвчина подавши черевики принялася за него, и встав сам // о себѣ и почав ходити по свѣтлицы, а дѣвчина злякавшися побѣгла до Пани, и сказала же щось Пану сталосся, схопившися з ложка, ходит по свѣтлицы. А Панѣ собѣ злякавшися, прибѣгла до Пана мовячи: шо тобѣ Пани дѣется, ляж не турбуйся. И плачучи удержует его. А он мовит: дайте минѣ покой, видыте, шо естем здоров Благодатію

Пресвятой Богородици нашей Илинской, которой яко на иных многих видѣлем ласку, так тепер и на собѣ дознаю. И послав в Монастыр, жебы молебен отправлено пред чудотворною Иконою Пресвятой Богородици, и зостал здоровым, хвалячи Бога и Матер Божію.

Чудо 3

Пресвятой Богородици,

еже бысть в Року 1693, месяца мая 17 дня.

Дѣвица Анна, дщерь честных родителей от града Чернѣгова, през зависть ненавистных людѣй, насланіем Духа злаго, лють мучима бѣше овогда бо зль пружашеся, овогда лицом измѣняшеся и очима страшнѣ, не яко челоуѣческія но аки звѣринныя очи в то время имущи и языком неподобная глаголаше. Егда же приведена бысть къ Чудотворной иконѣ Пречистыя Богородици // в монастыр Илинский, и оковавши ю желѣзными веригами введоша в пещеру Преподобнаго Отца нашего Антонія, сокруши вериги, и избѣже из Церкви. Егда же крѣпчае оковавши заключиша Церковныя двери, окном, яще и высоко бѣше, сокрушивши желѣзо, прескочи и избѣже. Тако возвышаше ю на воздух враг! Егда же паки крѣпчае оковавши ю стрежаху: овогда крѣпко пружашею враг, и аки мертву повергаше на землю, овагда на воздух возвышаше и рукама воздуха ухапляше, велми в гору протязающе ю. Овогда же лице в страшно звѣрино подобіе претворяше, уста скривляючи ей, лют бо зльо враг бѣше, и противляшеся, глаголющи: невозмете ея от мене, токмо труп. Седмь днѣй же пружався, изыде, и здрава бысть дѣвица, и отийде в дом свой со матерією, Благодареніе воздаючи Пресвятой Богородици.

Чудо 4

Пресвятой Богородици,

еже бысть в року 1694, месяца Іюня 29 дня.

Во время бытности Ясне Велможного его милости Пана Гетмана и всѣх енералных // особ и при множества Войска Запорозкого, котрїи вси видѣша сего челоуѣка здравіе получиша.

Трофим Андрѣев сын от веси Колчевки^ж з под Чернѣгова, сице бѣше бѣсом обладан, яко уподобитися ему оным двом евангелским бѣсним, от гроб исходящим, лютым зльо, о которых лютости Евангелист Матфей в главѣ 8 пишет: яко никому же минути путем тѣм. Сице и сей бѣс всем Трофиму бѣше лют, яко людей забиваше, и в риць Деснѣ утопаше, ибо и священника тоей же веси дитя до смерти утопи. Другаго же челоуѣка дитя утопляюще ему, люде отяша и священникову жену, аще бы люде не отяли утопил бы; иное же дитя раздрати хотяше. Сего Трофима отец приведе пред Чудотворную Икону Пресвятой Богородици связана, и оковаша его при Церкви ужами желѣзными. Аще же бѣс и много пружашеся, и яко мертва на землю повергаше его, но силою Пресвятыя Богородици изыде из него третяго дне, и бысть здрав и пребысть в Монастыру в послушанїи рок цѣлий.

Чудо 5

Пресвятой Богородици,

еже бысть в року 1694, месяца Іюля 17 дня.

Младенец Іяков, сын Демянов, от веси Городищ³, мучим бѣше от духа нечистаго, его же ощущаше в себѣ младенец ходяша внутр, овогда в руць, овогда в нозѣ, овогда во утробѣ, и аки бы утробу раздрати хотяша. И велми отрок он кричаше от мученія злаго духа. Приведен же бѣ матерією своею пред Чудотворную Икону Пресвятой Богородици в монастыр Илинский, и уже отчаеваше его мати. И оставивши в монастыру, просила Ігумена и братїи да егда умрет, погребут его, сама бо нужды ради яко убога бѣ, вдова суши и иныя дѣти в дому имущи, отиде восвояси, нечающе его уже вживых быти. Моляху же ся над ным Іноци три дни къ Пресвятой Богородици исцѣльв

Благодатию Пречистой Д*квы, и пребысть в монастыру конархистром до
возрасту своего. //

Чудо 6

Пресвятой Богородици,

еже бысть року 1694, месяца Іюля 29 дня.

Младенец Карп, сын Козмы, от весы Петрушина^и, лют'Ь страждаше от
мучительства бнсовскаго, и не можаху удержати его в дому, но б'Ьжаше в
пустиню людїи и скотов бїющи, и сам себе погубити хотящи, приведе же
мати его пред чудотворную икону Пресвятой Богородици в монастыр
Илинский, и пребысть три дни, оздрав'Ь мало, и взять его маты в дом свой,
мнящи яко уже от врага свободися, аще и сов'Ьтоваху о н*Бїи игумен и иноки,
да пребудет в монастыру до субботы, яко Акафист ПресвягЬи Богородици по
вся субботы зд*Б чтется, дабы по АкафистЬ отишла со исц'Ьленным сыном, но
она непослушавши, отиде. Егда же прииде в дом, паки гор'Ье начать враг отрока
мучити, и гонити в пустиню. И приведен бысть вторицею в монастыр пред
Чудотворною икону Пресвятыя Богородици, и пребысть седм днїи, и
свободися от духа нечиста милосердіем Божїя Матере, и пребысть в
монастыру под паламарим полтора году. //

Чудо 7

Пресвятой Богородици,

иже бысть в року 1695, іюля 5 дня.

Для достов'Ьрїя и болшой чести чудотворного образа Пресвятой
Богородици положився тут лист о хором диякону брату Герману, з росказаня
Ясне в Богу Преосвященного его милосты Отца Феодосїя Углицкого
Архиепископа Черн'Ьговского и Новгородского^и до Отца Игумена^и писанїи.

Przewielebny w Bgu Moeci Oycze Ihumenie Ilinsti Moy Wielce Meci
Dobrodzieiu.

Jasnie w Bogu Przeoswiecony Je Msc Oyciec Archiepiscop Czernihowski /
Nowogrodski / moy wielce Moscici Pan y Dobrodziey. Widzoc Brata Germana
Diakona Monastyra Bnynickiego tu w Katedrze goszczacego, a od Boga
nawiedzzonego roskazal mi abym W.M.M. Pana y Dobrodzieie imieniem samego
J.Msci Pasterza mego / napisawsy vprasal / kaz Dobrodziiu nad tym Diakonem
Господа ради iako od Boga wsechmogociego nawiedzonem w przody zaniego
Литургию Святую odprawic / a potom ekorcismy zwyczaj//ne, / wedlug
Crebnika wielkiego nad opetanyimi odprawuiace sie wczynic / raz y drugi / wielce
Dobrodzieiu moy vprasam / a ia tzaz osoba dokonca zywota mego bede winien
W.M.M.Panu odslugiwac / o co pokornie prosac z nam sie codziennym.

W.M.M.Pana y Dobrodzieia na nizszym sluga / Leon Bobolinski poslusnik
Archiepiskopski w Katedrze Anno 1695 Iulij 5.

Potym tamze na wierzchu pieczetowaney karty przypisal.

Przyda sie W.M.M. Panu ten Diakon kiedy zlaski Naswietsey Panny ozdrowieie
/ bo iest zawse trzezwy y do poslug wielce sposobny day mu rade Dobrodzieiu moy
posetnie prose.

Тот диякон, именов Герман, Благодатию Пресвятой Богородици всякия
немоши исц'Ь ляющей, получивши исц'Ь ленїе, в Монастиру живет и здрав
паламарствует.

Для достов'Ьрїя и болшой чести Чудотворной Иконы Пресвятой
Богородици и сия карта Пастырская зд*Б же положена есть. //

Przewielebny w Bogu Oycze Ihumenie S.Troieci. Iliski Mnie w Christusie
namilsy Bracie y w Duchu S.Synu.

Pszewielebny Oyriec Bobolinski zamyblim; sobie mansionem strietioris ReguH
w Skirie, ktorego paterne y odpubrilismy. W takowo droge bez riehara sumnnienia

chcac wyiachar / pragnie ten ciezar v Obraza Naswietsey Panny przed samym Przewielebnoscie T. zlozyc / mogocym / inter bonum & malum discernere. W tych iego postulatach chciey Przewielebnosc Twoia annucre iemu prose / & hospitalitare do przybrania sie iego w droge / sobie zaplate v Boga mereri, a v niego modlitwy. Peroptime interea vale, & pro nostra fragi, litate ora.

P.T. Frater & in Spir. S. Pastor.

Theodosius Uhlicki Archi-Еpiskop Czernihowski.

Тот честный Геромонах отец Леонтьй Боболинский, исполняячи свое обьщаніе пред Чудотворным образом Пресвятыя Богородици, свою очистил совесть, а сам выдачи многии и знаменитии чудеса, и того диякона Германа, вишей помянутого скорое получившее здравіе, изволил и сам здь в Монастиру прибывати, и наслаждатися видьнїем // Чудотворнїя Икони и Чудес Пресвятыя Богородици, иже содеянных и до нинь дающихся, книжица особно списуется и ини же множества ради оставляются, здь же токмо лютьйшии бьси и недуги уврачеванїи, иже настоящих времен случишася, яко же и в сем року и мѣсець внем же кончашеся типом сия книжица, написана суть.

Року 1695 Мѣсяца Іюля 17 дня.

Іоан Мултянский, житель Чернѣговский.

Того ж року и Мѣсяца, дня 20.

Алексїй козак от веси Бьлоуса з под Чернигова.

Того ж року и Мѣсяца, дня 29.

Демян Швец, житель Чернѣговский.

Того ж року и Мѣсяца, дня 30.

Евпраксія Инокиня з Монастира Шкловского.

Того ж року и Мѣсяца, дня 30.

Карп, подданїй Монастира Елецкого з под Чернигова и под монастыром жиючий.

Того ж року Мѣсяца декаврїя 18.

Андрей, житель Чернѣговский. //

Року 1696 Мѣсяца Генвара 13.

Жена Наталїя от веси Колчевки.

Того ж року февруарїя 29.

Василь, от града Лохвици^й.

Того ж року Мѣсяца марта 7.

Гаврило, житель от града Седнева.

Сии вси от лютьйших бьсов и недугов над иншии бьси и недуги Благодатїю Пресвятой Богородици исцьленїе и здравїе получиша. //

В СЛАВУ И ЧЕСТЬ ЦАРЯ ЦАРСТВУЮЩИХ И ГОСПОДА ГОСПОДСТВУЮЩИХ

Повеленїем Пресвѣтлѣйшаго, и Державнѣйшаго и Благочестивѣйшаго Великого Государя Царя, и Великого Князя.

ПЕТРА АЛЕКСЕЕВИЧА,

Всея Великїя и Малыя и Бьлыя Россїи Самодержца и многих государств и земель восточных и западных и скверных, Отчича и Дьдича и Наслѣдника и Государя и Обладателя.

Благословенїем же въ Духовном чину Отца его и Богомолца Великого Господина Святѣйшаго Кир АДРИАНА Московскаго и всея Россїи и всѣх сьверных стран Патрїарха.

Издадеся сїя Книжица душеполезная зовомая Руно орошенное, в Типографїи Монастира Свято Троицкого Ілинского Чернѣговского: Тщанїем всесестнаго Отца Лаврентїя Крщоновича Игумена тоей же святой и чудотворной обители Року 1696^к. // О Гербововной Лунь и Денници

И о Рунь орошенном.

Гедону иногда образ бысть побѣди
Руно, луна, денница, что и бысть послѣди.
Орошенное Руно се пророковаше,
Его же денница и луна орошаше.
Но что Руно и луна значит и денница?
Бысть то образ побѣды Марїя дѣвица.
Гди Денница и Луна Руно и здѣ росит,
Знак побѣды Мазепѣ на враги приносит. //

До Ясне Велможного его Милости Пана ЮАННА МАЗЕПИ Гетмана Войск его Царского Пресвѣтлого Величества Запорозских^Л.

Что воздам Господовѣ о всѣх, яже воздал ми есть, рече псалмиста. Ясне Велможный Мосцѣ Пане Гетмане, Войск его Царского Пресвѣтлого Величества запорозких, Патроне и милостивый наш добродѣю. Благодарствовати Благодѣтелем своим, нетокмо нас учит званіе наше, благодарни бывайте о всех, но и многии неодушевленнии вещи яснии сего подают нам приклады: Земля бо съюшему воздаст сторичная сѣмена, дресеса садовая насаждаю// шему красній и благоприемнии возвращают плоды, источники и рѣки от моря исходяще и до моря возвращающесе знову е наполняют. Мы же что воздамы Велможности Вашей о всѣх, яже воздал еси убогой обитель нашей? Украшая дорогоцѣнным Киотом Чудотворную Икону Пресвятыя Богородици, доканчевая немалым иждевеніем прекрасную каменную церков Троици Живоначалнїя, и не ищетними добродѣянїи устраоя всю убогую обитель нашу. За сие воздаянїе вѣмы, яко злата и сребра от нас не требуеши, сего бо и сам нещадя обители святїи обогащаеши, Церкви Божїи созидаеши, нищих дарствуеши, убогих и странных удоволяеши. Что же Велможности Вашей воздамы о всѣх, яже воздал еси нам? Чашу спасенїя прийдем и Имя Господне призовем. Молитвы наши и безкровную жертву за благополучное Господствованїе Велможности Вашей пред Чудотворною Иконою Пресвятыя Богородици и пред престолом Божїим должны есмы приносить. Но да явственнѣйшее сего Благодарствїя покажем знаменїе, приносим Велможности Вашей в дар // Руно орошенное, Чудеса Пресвятыя Богородици, приличное Велможности Вашей. Кому бо приличнѣе принестися имат Руно Пресвятыя Богородици, и кому приличнѣе вѣ дати достоин о Чудесех Божїих и Божой Матери, аще не Иоанну, аще не Велможности Вашей, иже сие имя Иоанн именем и самую носиш на себѣ вещь. З сими Чудесами Пресвятыя Богородици показа нам путь до Велможности Вашей сам Христос в Евангелїи своем мовячи: шедши, рцѣте Иоановѣ, яко слѣпии прозирают, хромии ходят, глушии слышат, прокаженнии очищаються, мертвии встают и нищии благовѣствуют. И кому, еще приличнѣе принестися имат Руно орошенное, яко Велможности Вашей, аки Гедону мужественному и храброму оному вожду Израилскому, ему же во всѣх добродѣтелях Велможност Ваша уподобился еси^М, ибо якоже оному в Руно орошенном, во образѣ Пресвятыя Богородици прознаменовашесе на враги побѣда, тако и Велможност Ваша о сем же Рунѣ о Пресвятой Богородици Пречистими и чудодейственными слезами своими аки Росою орошенной, врагов Креста Господня низлагаеш; в нощи тогда свѣтящей лунѣ и зарѣ Руно орошашесе, но о коль наше мысленное Руно, Чудо//дѣйственная Икона Пресвятыя Богородици, от Гербовной Велможности Вашей зари и луны, в нощи убожества нашего неводоточною, но среброточною и златоточною орошашесе Росою. Молотяше Гедон врагом своим внутр отчины сущим Маданитом пшеницу, егда Ангел о побѣдѣ Благовѣсти ему. И Велможности Ваша домашних своих врагов Маданитов не мечем жестокости, но пшеницею любве и милости своея побѣждаеши, и хлѣбом от гори высокого разсужденїя своего сходящим аки Гедон куши их разораеши. Внѣшних же врагов воющих на нас и на вѣру нашу Православную

побѣждающе, мудростию, вѣрою, и надеждою, такожде Гедеону уподобился еси. Яко же бо он со малою горстию воинов на враги вооружаючися сотвори военную мудрость (зовут стратаемма) и вложи огонь в сосуди скуделнича, да сия сокрушающе врагов устрашает, тако и Велможность Ваша не жалѣя сосуда скуделна немощниа плоти своея, а мѣючи в нем огонь вѣри и надежди Божіа, и Божой Матери Купини огнем горящей и не опалимой и столпа огненна, со малою горс//тію людей, бо Малоросійским Воинством для вѣрной служби его Царскому Пресвѣтлому Величеству, для защищенія православныа вѣри, для сохраненія Церкви Божіих и отчини своея, в трудѣх военных нещадно сокрушаеши, и мужественно врагов побѣждающе, гради их низлагаеши и предѣлы отческия распространяеши. О домѣх же Божіих, и обителех святых, о украшеній и благолѣпій храмов Господних, что реку? Яко более Гедеона Благолепен еси. И что бо успѣ Гедеон, аще остави седм десят сынов, наслѣдіа своего, не един бо добр и благоденствен обрѣтесе, но всѣ сами собою погубишася, и отцу своему Гедеону доброй славы и памяти не оставиша; и не токмо Гедеон лишился в сем совершеннаго Благословенія, но ниже и инии многии Патриархове Благословеніе сие уличиша; Адам два токмо сына имѣ, но и здѣ един окаянный сын отцу своему приразися Каин. Йсаак единоутробных и единою рожденных двоих же имѣяше сынов, но и здѣ жестоковѣйшии и противонавныи отцу сын обрѣтесе Исав. И яко//ву же ледво един токмо между двенадцати сынов любимый сын обрѣтесе Иосиф; всѣ бо братоубийци и строптивни в глубокой старости отцу своему велію скорбь братоубийством нанесоша. И Давида Царя не свой ли сын окаянный отца своего гоняше Авесолом. Велможность же Ваша, коль всем Блаженнѣйшии еси? ^н Токло бо Благословеннаго имаши исчадіа: колко обителей святых устроил еси, колко Церквей Божіих? Токло вѣчной памяти и святой славы, и истинный сый Святослав, святую, а не свѣтовую любя славу, имѣти будеши. Колко жертвенников, толко жертв и приношенія сподобишися. Веселися ж неплоди нераждаючи, глаголет писаніе святое, яко много имаши чада, шодробливостію Велможности Твоей порожденныа, сынове твои яко лѣто расли маслиничниа окрест трапезей Божіих коштом Велможности Вашей виставленных: Архіерее Божіи, Преподобнѣйшии Архімандритове, Всечеснии Игуменове и безчисленнии священници до второго Пришествія Господня имѣют представить, и безкровную жертву за Велможность Вашу приносить. Се тако Благосло//вится челоувѣк бояйся Господа. Приими ж истинный Гедеоне от нас Богомолцев своих сие Руно орошенное, несѣбно истинную Пресвятую Богородицу в Иконѣ своей Чудотворенни прославляющуюся, имѣти надежду, яко всем знаменій, всем Рунѣ орошенном побѣдиши врагов Крестя Господня. Росою же ею же сие Руно орошено, да прохлаждает Пресвятая Богородица сердце Велможности Вашей во всяких прилучаючихся скорбех и додаст веселия и радости, усердно желаем: да всегда процвѣтаеши, яко древо сажденное при исходящих вод и исходящих от очес Пресвятыа Богородици, и листвѣе твое добрых и святобливых дѣл да не отпадут, и вся елика творитимет да успѣет Велможность Ваша, и достигнет высокою твоею по долговременном и Благополучном здѣ Господствовали вѣчнаго Небеснаго Царствія, его же и мы Велможности Вашей Патроновѣ и милостивому Добродѣви своему от усердіа сторицею желаем.

Примітки

^а «Небо новое» - твір архімандрита Іоанникія Гаятовського (1665).

^б Седнев - нині селище міського типу Чернігівського району Чернігівської обл.

^в Сосниця - нині районний центр Чернігівської обл.

^г Юстиніан I (483 - 565) - Візантійський імператор з 527 р.

^д Яриловичі - нині село Старі Яриловичі Ріпкинського району Чернігівської обл.

^с Починаючи з цього додаткового другого Чуда мова твору, загалом церковно-слов'янська, стає наближеною до української літературної, а можливо, й до розмовної мови.

^е Василь Дунін-Борковський (1640 - 1702) посідав уряд Генерального обозного у 1685 - 1702 рр. (*Павленко С.* Чернігівський полковник Василь Касперович Дунін-Борковський (1640 - 1702) // Чернігів у середньовічній та ранньомодерній історії Центрально-Східної Європи. Збірник наукових праць, присвячений 1100-літтю першої літописної згадки про Чернігів. - Чернігів, 2007. - С. 466 - 479).

^ж Количівка - нині село Чернігівського району Чернігівської обл.

^з Городище - нині село Бахмацького району Чернігівської обл.

^и Петрушин - нині село Чернігівського району Чернігівської обл.

['] Феодосій Углицький (? - 1696) - у 1664 - 1688 рр. - ігумен Видубицького монастиря, у 1688 - 1693 рр. - архімандрит Чернігівського Єлецького монастиря, у 1693 - 1696 рр. - архієпископ Чернігівський (*Тарасенко А.Ф.* Святитель Феодосій, архієпископ Черниговский. - Дубно, 2005).

¹ Мається на увазі ігумен Лаврентій Крщонович.

^й Лохвиця - нині районний центр Полтавської обл.

^к Посвята царю Петру I та патріарху Адріану залишилася з видання 1696 р., на що вказує і зазначений рік.

^л Порівнюючи панегірики, присвячені І.Мазепі, можа припустити, що автором цього звернення/подяки до гетьмана є настоятель Іллінського монастиря Лаврентій Крщонович. У 1696 р. помер Чернігівський архієпископ Феодосій Углицький, а Лаврентій Крщонович був одним з претендентів на архієрейську посаду. Втім, у 1697 р. на чільну посаду в єпархії обрали Іоана Максимовича.

^м У перших виданнях «Руна орошеного» з Гедеоном порівнювався Лазар Баранович.

^н Правдоподібно, автор натякає на те, що гетьман на той час був бездітним (*Павленко С.* Кохання гетьмана Мазепи. - Чернігів, 2008).

